

四庫全書

集部

欽定四庫全書

景文集卷十

宋 宋祁 撰

五言律詩

公會亭

日下炎氛歇風生涼意添
樹花閒纂纂樓月靜纖纖
倦綆仍垂缶昏鉤半上簾
瓠瓜已堪摘納履自無嫌
吏罷得休沐襟懷蕭散中
靜時飛蝶夢閒處上皇風
雅

篠因依碧疎花礫索紅素餐無所事天幸一衰翁

和小飲

天帝暮雲消飛觴夜正遙洛吟聊擁鼻陶舞惜迴腰露
曉蟬嘶樹河秋鵲映橋客歡殊未幾離恨又霞朝

夏日江漬亭小飲

飛檻枕溪光歡言客徧觴暫雲消樹影驟雨發荷香辛
白檻齋熟庖刀膾縷長蘋風如有意盈枉借浮涼

朝陽

縮宿沈榆彩滄溟轉若華繞晞漢盤露便映洛神霞鳴
鳳梧岡迥柔柔桂籠斜照梁休自許城上已啼鴉

唐李衛公廟

斯人天挺傑賊膽畏膏肓疾戰江陵破長驅頡利亡成
功在不伐垂烈付無疆血食雄京輔于今異姓王

夜出溪上

隴首孤雲斷坳塘綠水周螢光不欺夜虫織自悲秋早
鴈離離度歸舟泛泛流萱蘇共搖落底處是忘憂

秋晚溪上

積水增波潤蒼霞
變露餘斷烟隨鳥遠
寒葉向人疎
萍老猶迎日
蓮衰尚戲魚
臨川方病涉
誰借鄭卿輿

出城所見賦五題

二月雨堪愛
霏霏膏憤盈
添成竹箭浪
催發杏花耕
迥濕風頭冷
微含日脚明
居然嘉應在
誰是東長生

二月水堪愛
泮流清復渾
影深天在底
紅亂日搖痕
驚沒小舟度
魚鳴新藻翻
有人無限思
慙愧仲長言

二月花堪愛全開未落時香輕長抱藥霞破即圍枝舞
蝶何曾定流鶯不待期勞君金縷唱更盡拍浮卮

二月草堪愛一番芳意還遠迷天泱泱低隱雉斑斑細
雨鮮原潤東風古道間王孫歸定否持問桂枝山

二月風堪愛悠悠天際生向空鳴籟細乘暝作寒輕拂
水紋層浪穿條杙紫莖煩君期素魄相伴倒春清

重葺敝廬有作

屨市喧卑極家林改築初藩傾猶置筆楹破尚逢書徑

草臨江府園畦洛浹居憑誰遣真意仁義亦遽廬

華州西溪

在路左
百步

山近重嵐逼溪長匹練分霏波平撼日寒崦側藏雲

漢側

有松崦中
隱佛祠

弄荇魚差尾投汀鷺列羣如何去尋丈塵路

已紛紛

送客

西出都門路橫參送客鞍低雲能作暝輕吹不成寒天
勢高無極原姿秀可餐長年傷別甚作惡叵能歡

僖宗在蜀諫官孟昭圖上疏言田令攷屏書不奏
沈之蝦蟆津詩人鄭谷傷之略曰徒將心許國不
識道消時予欽其人作詩投弔

密疏即儲胥指言刀鋸餘難排趙高鹿竟葬楚江魚憤
魄棲長瀨冤氛犯太虛無人扶君目他日見誅除

李九言寺丞知懷安軍金堂縣

雲棧馬蕭蕭銅章庇邑遙晨暉碧難路春色錦官橋
政方宣布斯人舊富饒早須飛兩舄歸趁漢家朝

挽張元常葬母夫人二首

象服流恩貴輟輿就養榮新成大家賦經餉潁封羹過
隙誠難駐藏舟自不驚子賢能順禮三月祔佳城

嬰病曾無苦期頤未滿年風酸吹棘地露泣採蘭天庀
具藏分澤張琴委暗絃江流終不竭懿範此俱傳

遣吏視諸公塋樹回有感

文正王丞相

宋史列傳
王曾謚文正

兩朝推巨德萬務罄斯猷漢日左右手堯年忠孝侯名

言天下滿故事省中留宸篆旌碑首刊文又幾秋

予作碑陰

送其事

文靖呂丞相

案宋史列傳呂夷簡謚文靖

慶厯公三入邊陲擾太平啖金真間敵撓

呼高反

酒不寒

盟上卽情雖切

公被病求退不許

然髭病遽輕

上剪髭賜公服之病愈

惜

哉天弗憖宸幄淚先橫

公訃至上在崇政殿聞之對東府長慟

宣獻宋公

案宋史列傳宋綬仁宗朝參知政事謚宣獻

昔去勸明辟

明肅朝公勸遷政

俄歸參大鈞公孫未及相諸葛

已傷神名待天淵蔽文爭日月新英魂同玉樹不向土
中春

文惠陳丞相

案宋史列傳陳
亮佐議文惠

巖廊號元老禮數盛中台萬石父子貴八元兄弟才新
詩玉可扣奇隸鵲爭回今日看碑字真緣灑淚來

答客

賤子空虛甚何煩跪自陳摧藏不鳴鴈排迤後來薪櫛
短三秋髮途奔四海塵安能得所欲況是數奇人

送同年吳穀尉烏程

繫繫報曙天歸越人船闕月長留夢吳門自是仙漆
書多汗竹圭祀有名田剩著凌雲賦囊帷待奏篇

送王庾

土甑殘炊黍津航促扣舷雲迷孝王苑星認太丘躔破
瑟弦鷗舞吟囊錦獸鮮晚淮他夜月離思共娟娟
捲客衣空化求知刺欲漫孤飛回鷗路別淚溢鮫盤待
舉秋槐老承顏夏枕安新篇時寄我魚信接長瀾

送祝熙載

昔誓繻仍在今行綬已新春鶯得遷友夜鶴怨歸人

便君

道家山故
及斯句

倦枕低潮月征帆截渚蘋清時偏樂職寒鼈

佐吳醇

寒食日送李公佐歸漢東

有客改南轅春郊駐祖筵蹲寒禁火國風暖浴沂天茂
草平無際殘花慘更妍鹿鳴偕計近簪盍約初年

送連庶

之子遠參卿勞勞千里行素衣因客變華髮看秋生遇
鯉頻為訊逢蓴試作羹塵埃半通綬何地免將迎

送陳動之

綈帙拋蓬觀軍牙佐柳屯伏熊均軾寵睡貉襲裘溫睢
苑寒雲隔漁撾暝鼓喧帛書無厭數知有鴈為門

送梅堯臣

祖帝都門路秋風滿客衣臺舟三鷁駛官舄兩鳬飛鄉
思臨波遠離憂傍酒微不應緣事事手自廢談圍

春暉寓目二首

春序倏云晚高臺芳意多
花成風地顯鳥作暝林歌
樹氣薰繁幄池文疊細波
夾城歸騎散烟絮徧銅駝
春意都無幾還持歡緒歸
游蜂抱葉去驚燕失泥飛
風下幡幡影霞留暝暝霏
既知瑤席恨不減欲沾衣

累夕大風

乘秋萬竅怒拂野恣離披
祭鳥東門酒鳴鳶上將旗
有誰樵旦暮無客賦雄雌
何用呼號甚枯桑了不知

武安侯

貴甚宮中勢軒然帝右趨所貪惟狗馬寧是學盤盂
取武庫地氣凌轅下駒淮南他日語悔不共嚴誅

庭石

嗟爾一拳質塊生天地中柱雲蒸作潤山溜滴成空
松蓋何年化星槎此路窮無邀什襲裏近出宋臺東

感秋

樂事行將晚華年怯早衰翻車壯士速落葉長年悲別

燕風簾靜驚烏月樹危播精寧有用皮骨極支離

秋日四首

短影悠揚日薄寒慘慄天林聲蟬后老陂影鴈賓聯悽
感客自爾變衰時適然何須問客鬢所遇是凋年

客心驚暮節天意歇餘芳蓮罷池收子榴成露罽房綈
袍親故暖紈扇委空涼庾信真愁否仍能用斛量

禁林成宿忝愚谷負深歸未識前途遠客知昨日非巧
勞真物役靜勝乃天機君看琴中意何嘗在玉徽

秋氣颯然爽宴居差有情蠅休几案潔蟬罷亭臯清溪
水照心碧雲山刮眼明其如歲云晏天地莽崢嶸

晚發

候鼓遙喧岸行舟逆上湍輕烟著波面斜月罷林端
峴沓鳧鷖亂蒼茫葭葦寒致君何所憚便道許之官
曉瀨雖能迅寒流不復漲林聲散棲鳥隄影度風檣
茲歲方云暮吾行未遽央病身非汲黯安能薄淮陽

遊海雲寺

十里雲邊寺重驅千騎來天形款野盡江勢讓山回
竹濃成幄樓鐘近殷雷斜陽歸鞅促飛蓋冒輕埃

行樂

行樂徧城闌仍逢搖落辰塢風焦粟罅園露飽梨津
水多成浦高雲自作鱗
七丹無復得魂斷小山人

湖上晚矚

湖平潦已收清興暫夷猶風舸時搖纜眠鳧自去洲
荒藤依樹老殘苒聽波浮珍重茱山色蒼蒼到暝樓

答京西提刑張司封次韻

乞得二千石終非循吏才霜蓬根易動龍鳥翅難開夢

寤慙封邑

來詩云疇庸國邑開此語是夢中微得似此非常句故頗成全章以見寄

陶埏仰

鉉台報言殊麗藻虛附驛筦回

閏月晦日

春物都城晚歡遊一倍慵輕風生樹態暖日淡雲容小
閣時翻燕閒花更少蜂幽襟真淺落所得是無悰

贈楞嚴舒上人

大室錦城隈庭閒地徧苔飯從香積取花續少林開講
畫經殘葉禪宵燭委煤無嫌一時學要是暮雲才

柔上人

年八十不出
夜能讀細字

行年踰八十安坐布金園指柏仍餘樹栽桐遂見孫巖
泉晨自濯經葉夜能翻顧我生多病勞師默遣言

壽上人南游

拂曉鐶鳴月迎寒毳擁霞衆香摩詰飯五葉祖師花託
宿林枝俯分風夕影斜前期逢晤賞持對碧雲誇

送梵才長吉還天台

歸槭卷蘭芽城標拂曙霞溪行鷗避錫巖供馬銜花翠
柰經園密蒼莓渡約斜暮雲他日合相望在天涯

寄藥山長老省賢

南方有尊者卓錫戀林丘演法三千界多聞第一流
爐烟熏定几笋脯供齋甌社約慙成負霜蓮落幾秋

訪僧舍

近郭一牛鳴金園界寶繩衆花天作雨千焰佛傳燈碧

金定四庫全書
卷十
素垂圍老青蓮雜漏凝病襟多俗物時此訪南能

寥寥

寥寥私沐地索索晚秋時高樹足危響寒花無媚姿遠
砧投會急昏鴈赴行遲撫物能無感年華及始衰

早秋

脫葉驚彫歲翻車送落暉蔗漿晨渴減桃簟夜涼歸怨
月收紈扇輕雲怯紵衣沈愁知幾許帶眼不勝圍

山中晚春

新火暮春天窮山寄一塵
畹蘭催酒熟溪草作茵眠
落絮輕無定殘花淺自憐
緇帷談久倦江上問挈船

早春

春來人暗知何物驗來時
林暖樹改色山晴雲弄姿
歸鴻高的的生浪細差差
老帥非行樂劭音翹農一駐旂

鷗雪銷平苑烏風裊迴竿
暖容侵柳動寒意向梅殘
雲薄來無定天晴望更寬
杯霞莫辭醉朝野日多歡

西園早春二首

金匱要略卷之四
芳意稍菲菲春城濃淡暉霞留早陰佳風遣薄寒歸細
溜無沙漾初禽隱葉飛要知刀筆暇文酒得相依
樽酒不常滿年華祇自春言歸雖薄斲業已負良辰野
翠欣欣徧林花撲撲新其如好風景料理愛詩人

答翁愈賦卷

登高大夫事感物古詩流韻變齊風緩辭凌漢氣適恨
非雌霓賞惟祝洞簫求病客無盤玉琅玕未易酬

池上

晚矚西池上池清暑氣微雲煙互明滅蒲荇兩因依戲
鰕來無定眠鳬久自飛紛吾刀筆慮逢此憺忘歸

雨止菰蒲老風生杜若秋水光晴動日蓮氣晚薰舟暗
鳴飛螢出疎叢白鳥留此時成麗賦寧減翫游儵

北園池上

中園稍蕭槭日腳淨空埃寒蝶飛還下饑鷗去又回林
高風攪葉垣暗雨留苔頗賦高秋興人非騎省才

避暑江濱祠池

溪淺容篙短舟移覺岸長烟稠菱荷葉霞熱荔支房枝
疊參撾鼓杯寒十饋漿便成逃暑醉官事底相妨

夏日池上

溪流來不近永日映霞霏水荇自相縈汀禽無次飛
沙時損路幽瀨忽藏磯誰欲留連我相將日暮歸
獨坐溪堂上炎天客少過紅垂初熟果碧捲未開荷
曳絮雲更塢搖金日弄波一杯聊自舉涼意雨前多

揚雄墨池

即草元所

宅廢經池在，人亡墨溜乾。
蟾蜍兼滴破，科斗共書殘。
蠹罷芸猶翠，蒸餘竹自寒。
他楊無可問，撫物費長嘆。

秋熱

風物連南國，炎威逼早秋。
墮飛波上翼，誤喘月中牛。
雲杼衣全解，冰壺渴未瘳。
此時班女怨，虛為素紉愁。

晚冬行園

官舍同山舍，蕭然日杖藜。
饑鷗守冰沼，寒薺犯蔬畦。
霜逼晴空迫，霞牽晚照低。
城鷄棲已定，無事莫驚啼。

過惠崇舊居

崇工詩有名于世

人往名長在欽風歷故居社殘蓮即老園廢柰仍疎塵

憶清談外雲經合座餘裴回視齋壁行草暗殘書

師善行草

齋中多自題寫

雖昧平生契懷賢要可傷

予為郡之年師之去世已二年矣

生涯與薪

盡法意共燈長遺畫空觀貌殘詩孰補亡

本院惟有師舊詩藁數軸

神期通一語無乃困津梁

和鑒宗遊南禪別墅

鹿園開別墅牛駕此回輪花識莊嚴界林容宴坐人遠
烟時誤晚靜塢若遺春共照前溪水煩師洗六塵

對月

林梢霞尾暗海面月華新一水開天鑑千金上佛輪幽
巖涵靜桂潛蚌溢涼津不必姑山去翛然自玉人

月華真可愛堂上共徘徊白露方徐貺清風適共來蚌
津隨照滿烏閣為啼開萬慮方岑寂愁看雲漢回

望月

早月始娟娟西南寥泐天魄中藏暗樹輪外上虛弦傍
漢含銀淺過雲漏葉鮮遙知今夜鵲猶得穩枝眠

同小姪珪璞溪上汎舟

案祁兄庠有子五人三早
卒惟充國均國二人見王

珪所作神道碑此名
珪璞或係小字也

出郭曉雲霽泛舟春日遲詩懷隨物放酒面任風吹循
岸煩鷗起看山惜棹移州人輕此樂賴與汝曹期

擬明月逐人來

玉漏催成夜蘭缸換作晨併花排綵樹分月送遊人醉

幕星臨酒天街露禁塵輕雷與流水隨意伴香輪

月

西顥涼颺度金樞宿靄收映波休混壁入幔且迷鉤蚌
冷侵珠潤羅疎逼帳秋風流知不淺庾令在江樓

新月

幾宵閒北寢始見映西樓曲篆臨鉤誤殘黃映額羞桂
稀山自冷珠淺蚌兼愁巧作纖纖句繞能喻兩頭

殘月

陰光隨落宿有意待朝陽
暈缺灰餘影潮平鷺息狂
殘兵驕子國隱語大刀郎
此夜方諸淚寧能減數行

馬上見殘月

娟娟天外月正見上朝人
老桂欹藏樹纖鉤側抱輪
氣清仍泛露光淡即迎晨
尚作裴回意西樓對結鄰

落月

已照金樞穴初乘玉女扉
望花愁桂老數葉畏萸稀
漢蚌兼珠隱邊兵背塞歸
持將離妾恨一問上天飛


答勸農李淵宗嘉州江行

嘉月嘉州路軻我按部船山圍杜宇國江入夜郎天

嘉州

古夜郎國霽引溪樓望涼供水館眠愧君舟楫意遂欲濟長

川來時有寧舍
濟川航之句



景文集卷十

欽定四庫全書

集部

景文集卷十一
一至

詳校官侍講臣王燕緒

檢討臣何思鈞覆勘

總校官候補中允臣王燕緒

校對官學錄臣謝登萬

謄錄監生臣汪國均

欽定四庫全書

景文集卷十一

宋 宋祁 撰

五言律詩

早發大堰

曉戍朧朧白春流納納深
生烟纔著樹罷月稍依林
野路趨斜岸漁舸泊暗潯
尚緣歸國意差足慰離襟

新竹

金史卷一百一十一
卷十一
最愛中唐竹春來百箇鮮
笋殘霞落泊梢散粉嬋娟
早
葉危銜露昏枝巧住烟
寧孤一日賞況在此君前

永興鄭資政鞏縣路逢雪見寄

大旆關河遠同雲天地浮
凌晨逢朔雪此路向西州
寒
襲生犀健光催暢穀流
餘情念東郭穿履趨英游

峽中逢雪

峽內逢霏霰凌晨望已迷
寒花纔集棧斜片旋沈溪
戶
入垂繒壤田成種玉畦
速乾殊未惜山道潤無泥

冒雪馬上作

大雪決天畿晨驟望禁扉二儀連皓氣萬物共清輝樓
迥標銀闕臺寒壓粉圍瑞花真有意偏著入朝衣

四望亭

秋城聊一眺物色已蒼茫爽籟風驅遠寒烟晚曳長祠
成樗作社成罷女留牆要是凋年感能回倦客腸

秋日書懷

秋旻蕩宣濁茂宰屬高情水遶溪初浪林乾籟自聲醉

茵留剩暖歡瑟泛餘清尚念江湖守其如華髮生

送潘祕校赴潁上簿

捧檄去三銓招招客叩船倦游驚密雪離思着么絃淮
月開帆暝京塵減綬鮮枳鸞非久息刷羽佇來旋

送南頓胡簿

密雪妍辭盛垂牕怒翼開聊從百里佐初露七年材集
隼趨侯府歌驪酌客壘時年無道第庇邑邇天臺

舟中三首

舟行不礙動縱目望聯隄稍覺前川近徐驚後樹低魚
游隨聚沫禽度帶殘啼自趣家田路春清況日携
漠漠朝烟上霏霏野氣和驚鴻自去渚戲鷺不沈波田
畯耕扶耒溪童食啄蠡維舟時一眺犂踐損春莎
霧迥絕林趾波生齧岸沙漫紅披杏帶短碧上蒲芽鮭
菜隨宜有漿醪不用賒行行樂蕭散未覺遠京華

物外亭

飛宇冠蒼岑盤盤上百尋風含太虛爽雲作下方陰塢

桂寒仍燠岩猿暝始吟知君有高興天壤共登臨

秋日詠庭樹

庭樹報秋歸蕭然芳意衰露危陰處葉風勁暝前枝嘒

嘒蟬嘶早梢梢鵲定遲江潭正搖落司馬不無悲

枯樹賦引

桓司馬事云今日
搖落悽愴江潭

司徒待中宣獻公挽詞二首

斯文推舊德憂國變華顛夙夜勞三事東西止百年溫

辭聯冊祕

中宮冊文公實
為之時稱名筆

良史大都傳

三朝史皆
公參撰

他日

賢臣龍心知望圃田

美疾交明晦浮齡詎控搏宗盟一箇弱

公與伯氏同參
宰政一時頌稱

兩宋

人贖百身難賜歛榮締哀臨哀駐玉鑾欲知桃李愛

朝紱共汎瀾

送蒙城簿謝煜先輩

宋謝妻即
祁女弟

曾第飄飄賦仍勞冉冉趨嘆時三嗅雉倦別一飛鳧勾
薄虛公几迎漿溢里壺異時齋閤閱明陟在丹塗

送江陰簿江楚材先輩

賢舍久過從清言服阿戎半綸人結綬一箭水分風行
稻鮮原綠攀花雜樹紅菱君談有助新論得王充

送炳宗巢簿

世德封胡後英游終賈年塵淄去郡客木落渡淮天捐
吏貪持簿勞歌勸倚弦無憂親釜薄新復古圭田

觀相國長城公留題藥師院壁

擁節趨瑤縣回輿禮梵仙望雲催覲日零雨記歸年蕙
露霏毫潤尼珠入局圓斯人具瞻地二絕賁金田

題玉溪符上人清風閣

齊棹翠霏間人高境自閒
禪心溪上月佛髻檻前山
晝漏依蓮改晴雲識棟還
誰持快哉意來此共躋攀

李中令挽詞二首

家賜齊侯履人推卻殺文
結婚榮外館謀帥得中軍
盛集追園蓋邁章託隴雲
不圖新渚畔更作死生分

贈空充幽隧鳴簫異素輪
山丘華屋遠桃李故蹊春
使幕被愁霧談犀委暗塵
須知悟生滅終得法為身

龍巖寺

磴齒綠蒼巘簷牙冒紫氛樓鳴穿峽瀨堂宿抱峯雲鳥
散生臺晏僧歸浴樹曛居然化城地長與客塵分

農閣

茵閣俯江千西南蜀塞寬看雲記巫峽望日省長安鈿
翠峯頭碧霞鍍荔子丹比來秋物好誰伴數憑欄

聞杜宇

傳聞帝望冤底處最堪憐蜀月將殘夜巴山欲曉天周

軍營化鶴齊后亦為蟬物變皆如此非君是偶然

春野觀農事

茂氣回鮮野寒姿換故林敗防溪響急新剛耒痕深乳
雉嬉原隩歌牛下浦陰吾廬堪學稼將老有初心

唐詔監簿池陽市征

五鼓歇津亭風帆去斗城美材王國秀獨木縣官征萍
蜜浮罌劑尊絲雜釜羹袁郎秋詠去江月對盈盈

早秋夜坐

穹旻炎熄歇，顓氣襲中閨。倦鵲兼河轉，初蟾共月西。客愁無處所，世慮足端倪。清客纔成泣，臯禽且穩棲。

秋日書懷

風頭日蕭索，爽氣自西岑。暝戍有傳鼓，寒城無罷砧。未論鄉思苦，且念歲華侵。目羨高高鴈，先時到上林。

得伯逢書

書來何所道，報我二毛生。種種因年化，星星著領明。別離纔幾日，感慨若為情。且莫悲遲暮，須容四海兄。

予于伯逢

不啻十
長之年

伯逢欲予買一田墅因成自訟

予從大夫後祿乃二千餘簪筆論何事藏山著底書病
教年事早拙使宦情疎合治菟裘未蝸牛尚有廬

西園晚眺

弱柳蒙蒙密新花裊裊繁貪尋芳藉遠遂到落霞昏亭
檉銜山靄池波撼月痕惜春還語客慎勿訴餘樽

李先輩昆仲見過

有客過窮巷門羅日晏開
南州一榻下平舉二龍來
霏雪欣談麈吹萌乏案杯
千慙隣壁焰時照不燃灰

公園

幽興足端倪危橋便見溪
浪輕魚喜擲山近鳥工啼
弱葦披風激涼蔬甲雨畦
使君來已屢林下自成蹊

八月十四日夜東軒餞趙同州志元吳陝州冲卿

徐潤州君章

明月不常值中秋能斂新
誰言一堂上相與異州人
適

意苦難得舉杯寧厭頻清光定千里他日遠相親

訪隱者因題壁

巖徑躡雲層藤蘿失晦明青谿一道士藍輦兩門生山溜足奔響松風無罷聲願同沮桀侶林下耦寒耕

哭郭仲微三首

倉卒聞嬰疾何辜遂沒身哭筵同產子

仲微無兒惟兩猶子義當主祀

霜寢未亡人家有邢山舊

仲微先塋在新鄭

天為京兆隣想君

齋志恨不使白楊春

我作魚符守君司鳳詔文

予出壽陽時仲微新掌語

他時談笑罷今

日死生分怨涕翻聚浪悲魂引鄭雲山陽懷舊笛腸斷不堪聞

謝氏雖多女

仲微育三女

中郎竟乏兒人生忽至此天道果

無知一代英才往千篇故稿遺生平同翰墨不及鏤豐

碑

予解郡時仲微已葬內相吳春卿作銘誌

夕坐

岸幘坐前楹天圖極望青日華開嶺霧風影碎池星重

露驚棲鶴幽叢帶暗螢塵機心久息寧待據梧瞑

案莊子瞑

讀作眠但古無眠字此仍本字讀

西樓夕望

炎氣隨日入岑寂坐遙帷倦鶯昏投浦驚蟬夜去枝桂
華兼月破槎影帶星移珍重牕風好義人即此時

偶書

悲秋葆髮生倦客厭離身九奏莊禽眩千鈞楚俗輕媒
勞傷偃蹇歲晏恨崢嶸誰訝游都久方歸谷口耕

答書

藥藥餘病骨踽踽本孤臣夷餓懷食粟軻居憶徙隣

方子

嬰內服之痛

舊圍寬脅帶鑱刻暗書筠親見揚雄者容儀不

動人

答書牛馬走卜疏草茅人久謝輪囷器羞言阿堵神解
籠推勁翮煦沫曝窮鱗尚欲求糟粕心知老斲輪

和朱少府苦雨

滯滄連春晦層陰接夜分驍壺惟發電愁棟但生雲里

突居無爨官蛙坐厭聞遙知霖唱罷客思轉相紛

歲除

彫節真如借良宵此向闌家儲宿歲酒鄉送大儺寒舊
卉回新物來情續往歡匆匆餘幾刻催具五辛盤

詠酒壺

刻像小踟躕無情是所憐客歡迎指過觴冷寄回旋屢
轉疑投節將休似取妍勞君戢深意醒者勿須傳

答書

經櫛摧無幾書刀削未休胡能反招隱更欲傍牢愁漸
硯寒餘滴牕燈明映篝子成銷骨盡何相得封侯

翟子威傳

小史有封侯骨

望仙亭晚眺

日晏來憑檻要知刀筆休晚雲山曲岷巖飯客稽留未
覺清言減猶堪大白浮狂歌誰擊節只是自搖頭

明月湖

湖色淡無際月華相與間臨波雙壁映照浦一珠還宿

火汀洲外橫烟桑柘間不妨清思劇舉國盡溪山

晚眺

危欄真可倚極目盡高原雙堠驛邊道孤烟山下村高
風生樹響寒水落溪痕坐見斜陽盡歸鴨滿翅昏

胡同年恢信州弋陽簿

龍櫻沈釀晏津鼓愴離羣道出東南水心留西北雲秋
田供醞劑練幅換書裙嫋闕方呼俊歸來貯獻文

黃均勾建昌簿

靈風徹宴庖十幅曙帆飛路入江山國人兼綵繡衣草
堂空岫幌偃室聽琴徽誰識無雙譽新從日下歸

元處宗安化簿

軍府沈千奏邊城佐一同鄉書黃耳遠客爨厨空怨
曙羌笳月嘶寒代馬風未應期會急平日廢談叢

同年毛洵勾簿新建

年衰冬集罷鷗首曉帆催枳棘非鸞處膏腴得父才澄
江限天濶孤鶩透霞來此地留清賞誰同耻宴罍

霜寓

霜寓澹秋光崢嶸歇歲芳地形侵楚庫渠尾入淮長

惠民

渠首萬洛
尾入淮

詹集牛初下羅柿鳥恣翔病悰多感極身託

茂陵傍

季秋十九日追還學士院回舟入都作二首

上恩留不遣仍棹越船回人忝玉堂署魚還符節臺危
心摧櫓罷病眼刮雲開讀徧淮南詔慙非視草才

得麾初出守趨召遽言旋露藿元傾日秋槎卻上天丹

塗容蹇步星弁許華顛再奏皆聞罷慙妨此路賢

古邑二首

古邑蓬池上私居市道鄰初拋三釜粟來作一廛民乞
火黔薪突繙經振隙塵何從復何去更欲問圓神

隆雨離邦遠編蓬僦廡卑人非一國敵家乏萬錢貲

貢

自云家貲
不滿萬錢

江海嗟漂蕩乾坤惜變衰此時看落葉寧翅

長年悲

三封田墅

驅馬三封下還家
值日西林間尋路
隘霧裏入山迷
僅勸仍依越雞間
已上樓暫來翻似
客鄰酒夜過攜清
和遷首序岑寂此
憑欄澗雨虹前罷
林櫻鳥後殘野姿
連草向天影入池
寬日暮嚴城阻裴
回惜據鞍

行藥

行藥來溪上園秋
損物華漫叢繁野
菊荒蔓繫寒瓜野
曠難藏樹山明即
變霞病身慵事事
樓鼓謾催衙

江夏黃孝恭數遺新詩因以是答

萬里江南客三年澤畔身驚弦已瘡鴈涸轍欲窮麟日
月奔騰晚烟花感慨春誰能為此曲無乃數奇人

答轉運王工部到壽陽卻乘流東下以詩見寄

聞到清淮上還乘清溜回緣持使者節難把故人杯曙
益星銜柳昏郵雨亞梅愴離并感昔都向句中來

答景毫宣徽吳尚書見寄短偈

玉帳論兵罷東方靜守藩有塵都是客無法可容言

以上

四句
仰奉

海鳥逢觴怯醯雞戀甕喧

白謂

因公四句惠彌覺對

酬煩

答連生見寄兼簡同邑胡希元

京華倦遊客顧我損文鱗
道覺窮方勝交緣淡更親
句成池草夕訊到隴梅春
欲答雙盤恨清才彼有人

答刑部王侍郎病中見寄

請告煩開許循衰分退藏
病淹三折臂愁熱九迴腸
凍酌思同醕仙丸得偏嘗
深慙白雲老相憶未相忘

偈答王侍郎

金史卷一百一十一
卷十一
遮莫傳衣去饒他舍棧回雪雖爐上見珠自髻中來却
却無真諦人人止妄猜公知兜率否舉足便塵埃

觀燒

白草開平野炎暉照暮雲商原寧易嚮崑玉怯同焚田
燭宵俱遠邊烽曉不分方陽休自任阮瑀久從軍

西齋秋晚

霜華零暮節日氣淡長穹池減無留潦林寒少罷風蟲
鳴星杼促蟬起露綏空隱几無紛慮窺園嗜晚崧

西園晚秋見寄

中園秋物晚清玩日無窮
暝篠深留翠寒花淺作紅
鵲鳴殘滴露蛸咽已涼風
誰伴調絲管心知憶戴崇

和伯氏小疾原韻

握臂苦惜惜蒼華倦晝簪
悟非蘧瑗早達想淨名深
齊鹿閑三擿仙圖戲一禽
獨應吳客問眉宇識侵淫

悼祚禪師二首

兩股飛神錫千金供住園
吹毛曾有問得髓更無言
蘭

紫恩袍異

今宣帥副馬李公素所推重表賜紫衣

蓮香社侶繁雙林今奄

忽淚目送風幡

擊電傳心要浮漚厭世喧一牀空病室五葉識諸孫風
慘萎花墜塵流舊鑑昏導師寧怛化鎗侶自銷魂

景文集卷十一

欽定四庫全書

景文集卷十二

宋 宋祁 撰

五言律詩

陪謝紫微晚泛

積雨漲秋濠輕舟共此邀
菰蒲斂鉅鰐蓮芡熟橐韞岸
靜魚跳月林喧鳥避篙
歸時興不淺風物正蕭騷

答朱公綽牡丹

珍卉分清賞飛郵附翠籠
蹄金點鬢密璋玉鏤跗紅香
惜持來遠春應摘後空玩時
仍把酒恨不與君同

渡湘江

春過湘江渡真觀八景圖
雲藏嶽麓寺江入洞庭湖
晴日花爭發豐年酒易沽
長沙十萬戶遊女似京都

臘後晚望

寒日繫難定鳴笳弄已休
凍崖初辨馬昏谷自量牛
漢樹臨關密荒泉入塞流
登高能賦未風物古堯州

中秋新霽壕水初滿自城東隅泛舟回謝公命賦
齋舫談經後官池載酒行斜陽鳥外落新月樹端生清
漾思江浦夷猶遠郡城東轅有遺恨日日物華清

讀絕交論

嫌忌蕭朱末盈虛田實間言雖甘若醴心定險于山覆
轍何能救頽波遂不還居然孝標論抵几若為刪

和夏推官奉太夫人就養仲氏次韻

盛府從軍日大家隨子初伯兮均潔膳仲也慶將興霧

舍嵩塵薄霜程鞏樹疎循陔傳詠切匪夕佇歸歟

寄涇北都運待制施正臣

我作東南守君為河朔行旌旂向江步笳鼓入邊聲兵

結光華遇

僕與正臣
相繼拜恩

難禁離索情惟應指羊酪未肯下

尊羹

探題得小橋

尋幽路窮處畧行跨回溪一水虹相映雙華鶴自棲淺
痕過釣艇斜勢截橫隄弭節誰憑望秋光徧水西

蓬池二首

大道來中縣餘糧徧近原
狙林朝芋隕幽屋晝茅喧
短日方催暮低雲屢向繁
我憂寧易寫惟有悄無言

天形垂沆漭原勢帶紆餘
社久熏無鼠淵澄察見魚
駟開牧屨蹇蹇度柴車
欲望斜陽市行人掉臂初

雨夜

滯雨兼蘭夕遙帷更燭房
疾雷方破柱驚電或生墻
易斷幽衾夢頻迴逐客腸
新歡誰復得最是楚高唐

送睦州柳從事

唱第千人俊從軍十部賢
溪翹迂賜綬鵲首赴歸船
別思瑤華岸懷鄉玉膾天
不妨賓弁側新曲徧鵲絃

城隅晚意

寥寥天意晚稍覺井閤閒
水落呈全嶼雲生失半山
牛羊樵路暗燈火客舟還
暝思輸鳬鵲歸飛沆瀣間

即事

中伏飜無暑斜陽未即曛
暫光風處葉餘墨雨殘雲
圃

埒繁蔬甲堂坳壘辭文巾幘殊不喜文酒半離群

水亭

地清蟻衣接天澄穀霧開微風發琴籟殘月減珠胎鳥
散纖條動魚遊細浪來坐堂兼伏檻恨乏楚人才

送戚秘丞典上饒錢監

左典吳山治行行榜客舟終無善宦巧肯為著書愁別
思都成惡芳辰信易道江南饒杜若何興奈高秋

贈清逸魏閒處士

魏閒即處士野之士

奕世依岳石褒恩下帝庭姓名高士傳父子少微星池
溜遙通澗家林近帶坳分明詔書意天極賜鴻冥

七月二十七日

客鴈歸何處寒蟬鳴不休兼之清夜永副以長年愁家
令有移帶中郎餘白頭此懷誠自感何賴怨高秋

七月二十八日

秋物向搖落客心真悄然高風已涼夜澹月始晴天拂
幌單練怯凝塵故扇捐露華休早滴羈鵠不曾眠

寒夜始長

四海秋風晚，千門夜刻長。
梧桐老空井，蟋蟀近人牀。
暗燭勤垂燼，離鴻短趁行。
生平江海志，耿耿未渠央。

將歸二首

遠假西南守，三逢梅柳新。
衰令宦情薄，老惜歲華頻。
耶釀供銷日，巴禽巧喚春。
離家何所恨，鴈後作歸人。

雲棧短長亭，今茲重作經。
卬峽叱殘馭，蜀分使回星。
旅鬢雙垂雪，羈懷一泛萍。
驪駒在門久，此曲若為聽。

夏日陪提刑彭學士登周襄王故城

聊隨漢使者一上周王城
片雨北郊晦殘陽西嶺明
野禽呼自別香草問無名
誰復歌離黍惟興箕穎情

寄大固山嘉祐院長吉上人

案上人曾遊京師得宋祁以下一百四十

五人所書般若經建堂以貯之

名高身愈隱孤錫倚巖扃
園布黃金地臺藏白馬經
菴雲吞暝燭澗月瀉虛瓶
坐想谿橋路莓苔又幾青

寄淨名菴僧長吉

故人詩未報恨恨復經年夢去長江路心知寶所天孤
情巖柱老逸思暮雲傳無奈纓綈累猶乖方外緣

東晉

倉卒浮江日聲名建號初羣臣讓禁臠上宰製單練氣
銳開枰戰心歡折屐書纖兒競撞壞不念好家居

聞歸鴈

故歲東南客新來西北飛聲迷江月老陣入塞雲稀遠
恨拋書素餘音付玉徽行人落君後搔首未成歸

薛道衡有

人歸落鴈
後之句

春夕聞鴈

聲繁知併舉陣急想斜分
臆飽江南稻身隨代北雲
足書煩遠寄箭道怯虛聞
口噤悲黃鵠相望不及羣

送黃寺丞謫濠梁

間關羈籍遠跌宕壯心違
倦逐淮禽去欣同塞馬歸
時來富且貴事往是耶非
姑共春清酌徐徐遣世機

詠菊

壽客若為情風流友麴生殿秋安晚節為隱被香名曼
衍南陽種淒涼楚澤英見山應自語今古幾淵明

黃化道

驛道雲山裏悠悠千騎行猿禽互啼嘯崖巖各陰晴樹
合天疑窄川回地忽平錦官何日到菖葉已催耕

中秋對月

圓期壓秋半飛影破雲端明極翻無夜清餘遂作寒桂
繁團露濕輪駛渡河乾且置窮邊思何殊故國看

孫抗寺丞宰晉陵

舊筆刑丹燥新辭苑雪妍一名遲上月再擊始垂天鷁
首凌波穩鳧翁賜綬鮮邑歌豐暇日撻句暮爭傳

有懷舊隱

官事未易了田家胡不歸煙原射雉樂春糝養魚肥菜
密成巖幄羅長代石衣無為落吾事坐老故山薇

屬疾五首

腐肉填鴟素華軒載鶴身閉關吾有謂當路彼何人帶

眼移仍數顛毛變愈新惟無公幹譽他味似漳濱

淹卧日無聊年侵葆鬢凋久衰翻似鳳危息乍成鵲筆
倦長棲格琴慵不褫繞心知煩慮苦寧望一丸銷

自昔聞稱疾于今是養疴三盃留客案五子倦朝珂落
落堪憂苦星星奈老何酒希非所嗜楊宅竟誰過

天假支離養人懷寂寞慙衰容行得老苦節遂無甘飛
鳥惟宜下疲驢詎可驂吾生知所守嘲客勿多談

里旅居仍隘臺家疾見寬何言漢樸學正似楚枝官煦

渚藏勞尾投林戢倦翰上恩何日報卻步已蹢躅

祇答公序相國二兄見寄二首

前時同出守星鬢各蕭蕭嘆李伐不食原禽行自搖棹
前饒沸浪蓬處但驚颺素願山林隱公乎不在招

壯引朱顏往衰招白髮生危心幾何折勞尾自然頽杞
酒天涯恨搔頭歲暮情將何獻康樂衰思頓如醒

公近
有說

催報故子
亂章見意

智成上人奉陪中山公赴淝上

宗工方出守大士此相親不有今平叔難酬彼上人

昔文

殊璫云彼上人者難為酬對

氈毼連榻具笋脯對孟珍別後臨川偈

同翻幾葉新

江南木芙蓉張子春云其高如樹中山地寒纔數

尺花瘠色淡八月已開

江南高比樹塞北僅成叢向晚誰爭艷防寒淺作紅弄
條風淅淅銜蘂蝶忽忽且作黃花伴無令歎葦空

通判茹太博惠家園新茗

雷鼓殷隱山春槍苗第一新雲供烹處碧露餉摘時津
甌潔凝芳乳羅纖撼練塵貺予知有為多渴思遲人

秋興

天地西風徧亭臯衰意生寒雲終不雨危葉自多聲晚
蟬猶嘶樹啼鴉稍著城默然孤客思年序共崢嶸

遙夕何曾寐孤懷有為憂謀多真逗撓師老但誅求朔
霧摩邊壘羌風殷戰袍吾生誠用寡歎罷只搔頭

先日二毛生秋來無復驚南風隨楚俗北斗望都城塢

粟霜開罅池蓮雨折莖停罇問天意何適付枯榮

夜分

夜分羣動息秋意久勞勞林淨月華上河明天界高街
風遙疊鼓園露暗僵桃萬事蹉跎外惟應得二毛

送駕部俞員外良孺知江州

朝弁辭清曉齋舲汎暮秋官華飛雉省地劇左魚州溢
水遙浮郭天章近占樓知君乘月夕不淺是風流

賦得新秋似舊秋

新秋搖落意，似舊秋時流。景預何事長，年真自悲矣。
萼兼露歇，楊柳帶蟬衰。歎罷蹉跎在，惟應素領知。

老去

老去慣搖落，第看芳歲陰。穗殘飢鳥集，荷破曝龜沈。遠
岫多餘紫，寒溪有定潄。殘蟬何所畏，緘口抱秋林。

衰感

眩罷目還暗，花殘鬢益稀。長嗟病莊舄，孤憤老韓非。坊
酒叨常秩，鵬花濫賜衣。家田耕熟未，元亮欲言歸。

秋色徧華顛真成私自憐身慵寧復事秋早不依年作
吏惟思隱從僧寢悟禪支離果如此只稱據梧眠

張轉運席上

偃藩多式宴佳雪屢飄霏意感年將盡歡容酒剩行伊
公調鼎樂羊祐衣裘輕沉屬輜軒暇須容心賞并

答張學士西湖即席

勝地紆佳客高秋會賞心返霞延落照餘岫補疎林捉
麈談方熟持螯酒屢斟無煩命絲竹撻句是清音

迴堞

迴堞巔岼極長天蒼莽中遠溪寒不浪高木暝饒風棧
膺休王馬槍纍隔苑熊殘霞牽望眼時到夕陽東

嵇中散畫像

顧長康畫中散為司送飛鴻手揮五絃像世共貴之謂以風韻可想見也

彼美雲章子脩然天外情凝眉逐層耆俯手散餘清霄
迴心逾遠徽遷曲暗成千秋想蕭散方覺繪毫精

泉

容與下層岑飛流界百尋記方誰辨玉雜溜自成琴細

浪浮烟閣迴波逗月深我來聊挹注嚼藥有初心

芭蕉

逃臘藏深柢

國人至冬掘其根藏窖中至春復興而殖之

乘春發故莖雨障

單葢側風偃半旗開脆理繒爭裂斜規扇欲裁無堅喻
浮世金粟信多才

言志

志宜觀非聖才猶恥壯夫窮愁五經筍感慨八關呼昔
隱思投耒今行誓裂繻莫邪方有請誰為鼓洪爐

寄題元華書齋

比日投簪隱孟逢列舍椽值巖因鑿牖仍礪即疏泉
斧爛仙棊路花飛佛雨天諫帷他夜夢猶在翠微顛

小酌感春邀坐客並賦

林下復池邊其如春暮天花仍無數落柳亦第三眠強
飲非能劇狂歌不取妍流芳何預事只是自怡然

喜藥山賢師見過

風林曾語別王舍此相逢淨月常涵水孤雲易去峯供

緣賓閣飲

師與清源參預
領忘言之契

耳界帝城鐘卻舉當年話無

言促塵松

寄題藥山牛欄庵壁

昔人牛口下胥宇化南州祖地千燈續荒垣八字畱漏
長蓮葉晦園勝柰陰稠後嗣推崇意同風古佛流

送天雄監兵李中吉

督府監軍重清時握節榮長雲抱漢壘殘月偃邊兵戍
霧漁撾疊衛風鶴蓋平不應煩暑路河朔趁飛觥

萬秀才園齋

仁里樂丘園
茨茅構迴軒
檻風叢篠密
畦雨晚松繁
列岫非他境
疏流即故源
彥倫回駕日
于此愧驚猿

水聲

淙波聲可愛
最與靜相宜
激射不平處
潺湲無罷時
擁花含驟咽
礙石濺空危
便作山林趣
寧妨吏隱師

長安道中悵然作三首

三輔古風烟
征驂悵未前
山園蓮穎外
賈山機始皇
後
莽言後世不得

蓬顆
庇冢

宮室黍離邊樹老經唐日碑殘刻漢年便須真隕

涕不待雍門絃

興亡作今古事往始堪悲宮破黃山在城空北斗移走
岡寒兔急啼戌暮鴉飢灞岸重回首惟餘王粲詩

城闕今安在關河昔所憑種祠秦故時抔土漢諸陵花
樹圓排薺樓雲淡引繒南山不改色千古恨相仍

晚晴

積晦澄天寓浮涼湛物華遠雷猶送電殘照即成霞賀

燕翻空迴傾梧疊影斜披襟無內熱寧憶鄭生瓜

景文集卷十二

欽定四庫全書

景文集卷十三

宋 宋祁 撰

七言律詩

聞園丘禮成肆筵

齋幄連蜷駐玉虬
萬靈遙護翠雲裘
寶雞並進迎神曲
卓馬爭趨助祭侯
封屋都人差賜帛
賤星牢口閒無囚
露簫雷解疏恩美
萬和歡聲速置郵

癸酉六月奉詔修繕田記十一月詔罷賦詩

三時受詔擁緹油曲筆無功苦思抽不得成書同太史

須知非我異春秋空言自合因人廢殘藁猶應蓋說留

記草織志
印送史院歸卧私庭深閣筆飽嘗雞膳太悠悠

和晏公園丘詩

仗外鮮雲斂夕容蹕聲遙下紫營東迎神秘座擬金密
服食清壇烈火紅七萃禁戈攢月冷萬侯朝壁照霜空
天心帝意通歡豫併在柴薰縹緲中

元夜觀正陽錫宴

雲端堯闕下呼鞭綵樹遶分坐狄前山戲百層平樂地
佛輪千影瑞陁天祥風入助銀花麗寶月來供雉扇圓
獻歲承平多樂事擊靴誰美唱唐年

初侍講筵有感上呈經筵諸公

通英何幸奉經筵俗狀婆娑艾服年蘭葉初窺圖上字
奎鉤乍識禁中天坐憑重席慚清問能讀三墳賴衆賢
猶藉向來稽古力不然須合早歸田

再侍經筵有感

露門重幄紫雲開，何意孤臣得重陪。
攀樹已驚劉放老，受釐猶及賈生來。
華綈藉暖瞻宸几，甘露浮香入賜杯。
稽古雖勤成底力，心知不及漢儒才。

奉和晏相公攝事園丘中書致齋

相閣齋居政事西，茲辰正值朔雲低。
雪園鷗冷應先舞，雀樹雞閒欲早栖。
擱筆暫停黃紙尾，解驂猶放紫茸題。
仙謠唱罷微陽動，誰見林間荔甲齊。

禮局致齋

粉榆秋報漢家壇齋誓先朝令不刊抱薏一身依禮署
飯蔬三日屬祠官天池唳鶴驚宵滴宮堞棲烏噪暮寒
倦枕不煩神櫟夢有人無用亦常嘆

禁門待漏

破月餘光淡禁街駐車聊候九門開雙蟠曉闕蒼龍動
斜倚春城北斗回漏箭急傳催疊鼓酒燼爭擁賣寒醅
元規塵影真堪畏已傍遊人要路來

仲冬二日使到頒翠毛錦旋襴

翠裘朝罷轉昕霞

皇帝十月一日初御
夾袍中外頒賜衣襖

頒服諸方走使

車泥和五芳中出詔錦裁雙獸織成花

錦作花地
雙獸文

官叨

侍橐恩加等

待制官在
京賜紫羅

例及和門賜有差

詔并賜在
城諸軍校

坐

襲餘溫身更寵不慚多病帶銀賒

朝陽

膺膊雞聲夜向晨東方飛景到雲林簾幃已是曛曛曉
庭戶全無曠曠陰可是梧桐長得地也應葵藿久傾心

日邊早晚來環賜見說清光注意深

觀上朝

鬱鬱蔥蔥佳氣護天臺銜尾茸題隘路槐金箭忽鳴衡漏盡
火城爭撲相車來黃人日映仙盤上閭闔天隨禁鑰開
規地凝深誰得見渚鷺雖鷺自趨陪

再入翰林

銀臺路入複門賒四載重來鬢愈華况自秋毫皆帝力
何言舊物是吾家

伯氏一為翰林
予則再為之

宮盤浩氣浮襟爽省

樹珍陰疊殿斜書
枕夢殘聞吏報日
痕還復度磚花

聞後苑賜宴

漢家殿幄紫雲連
萬品仙葩匝賜筵
露榮半晞仙掌外
斗杓長在帝車前
液池絳鳥棲連檠
鉤盾祥鸞偏弄田
病客無階陪豪飲
除因斷夢到鈞天

陪季秋大宴

秘殿霞曦幾刻移
天臨法座儼朝鯨
魚龍霧暗充庭後
羯鼓風乾解渴時
山峇歡聲來廣座
花留和氣入繁枝

自憐侍從非方朔不識壺醯是隱詞

憶上苑錫宴

長懷禁籞宴嬉年帳殿深沉望碧蓮
秦地河流疑象漢上林宮繚欲捫天
恩盃蘭末流霞溢蹕道梧陰絳羽前
紫陌暮歸人籍籍汗帷揮雨杏粘韉

謁四陵下宮

四陵煙栢蔽團暉曉東朝紳拜廟聞臺
下俗無西向射寢中人護月游衣垂髯
上漢龍難見耘野連天鳥自飛

酹畢驅車循故道經時回望悵依依

直講周歲

本自悲涼葆髮多何緣未至濫中阿馬肝不食非論味
狗曲猶輕枉為歌舊學空疎緣病廢壯情牢落伴年過
終然野鹿江魚性長在雲林與素波

寄南郡直講王聖源

良辰酒所獨持杯目極南雲首重回榮路久差冠一免
聖源嘗以經筵貪愛適三摧多年道勝胸中戰即席人
公累去官

推客右才深詔糊名求異等佇看揮筆映天臺

賜禁中所種稻米

中天銅雀長鳴罷清籥涖池告稔初刈歛方從弄田出
頒分更自導官餘霜莖矗秀紆宸玩玉粒凝甘剩禁儲
慚愧有年君賜厚等閒歌枕夢為魚

詩人夢魚為
豐年之占

燈夕在告聞遊人甚盛

火樹繒山鳳闕前皇都美景屬新年烟花併作長春國
日月潛移不夜天

海邊有
不夜城

道上落梅飄脆管陌頭繁杏

著遊羈須知釣會人同樂莫嘆秦侯抱疾眠

休沐

出休連日似山郎坐有蛩氎沐有湯缸面酒華隨日轉
琴中松韻共風長官卑寧為今無巧愚極曾聞古是狂
自顧支離身碌碌襍歸囊被亦何妨

歸沐

彌旬出沐道山頭僦廡蕭蕭避世游枉是胸中存壘塊
可能皮裏有陽秋駕車欵段慚鄉品託乘鴟夷笑客愁

曲突不黔賓坐冷時聞庭雀一啁啾

休日

病粟支離月有儲漢家湯沐許家居材同曲社真無用
拙比河陽恐有餘半夜羈魂隨鶴警九秋嘶腹共蟬虛
誰言舐痔非長策卻得君王五乘車

旬休

火雲疊影抱炎曦霑沐身閒與勝宜卷葉初聞芰荷沼
輕房半繫石榴枝茶槍早翠吟魂適蔗境餘佳渴肺知

汗馬屬韃非我事到頭攘臂是支離

門依北郭最閒坊休令歸來白晝長
司馬苦消非我事次公無酒是真狂
午雞初下繁陰合夢蝶徐翻倦枕涼
自笑此生疲挾策不知呼塞亦亡羊

散帶家居首任蓬閉關窮巷避雌風
官非言責如餘裕流在儒家覺少功
慢態已成書几積點姿無半畫厨空
此生信有天年樂堪置蒙莊大社中

和樞密晏太尉元日雪

寒雲萬里送殘宵面旋祥雲集歲朝繁影未能藏夜燎
薄花仍欲伴春椒光含象闕蒼龍舞氣勒交衢卓馬驕
豐兆歡歌誰不爾百官兼放五門朝

學舍石榴

太學中石榴數十株少他
種木然其樹率多蟠蠹

曾見芳英上舞裙緣何此地寄輪囷烟滋黛葉千條困
露裂星房百子勻未羨扶南收作釀曾經騎省賦為珍

安仁閒居賦云
石榴葡萄之珍

須知博望來時晚莫促幽芳趁暮春

秋日與天章侍講王原叔曾明仲正言余安道三

學士集普光院

長廊盡北到禪扃宴坐林間共褫纓秋氣只知雙鶴唳
塵喧已去一牛鳴晨鐘暮磬無時歇翠竹黃花相間明

妙墨仙郎題爵里他年為寄此中行

原叔以古篆
記是集于壁

太學建講殿割王第西偏營置

王家賜第曾開府天子營宮此嚮儒壞壁有經還闕里
廢臺無鹿嘆姑蘇泉疑自湧供池溜柱欲飛來荷棟杓
獻歲成工觀盛禮願陪希芟趁風雩

落花

紫房丹萼旋辭春，素蕊悲多不忍聞。
暮雨便從巫峽散，餘香猶上魏臺分。
魂銷南浦波空綠，望絕長門日易曛。
翠被已空挑織，遶句今搔首更離羣。

墜素翻紅各自傷，青樓煙雨忍相忘。
將飛更作回風舞，已落猶成半面粧。
滄海客歸珠迸淚，章臺人去骨遺香。
可能無意傳雙蝶，盡委芳心與蜜房。

回郡將東還獻梁相公

留滯符魚素領垂十年方喜覲彤闌平臺雪罷鄒陽老
宣室釐殘賈誼歸疲馬有情依樾嘆倦禽知困傍林飛
相君門下餘塵在擁篲應容一叩扉

老還

老還東觀復懷鉛坐對秋風鬢颯然怨曲未平曾破瑟
故瘡雖愈尚驚弦蕭條門巷張羅外閒寂曾司攬筆前
借問不才為累否古來山水盡天年

雪後與張轉運任通判何都官游湖上

湖天初日駐彤幃
雪霽樓臺朔氣嚴
浮照淺花全裂縞
拂沙殘白暫成鹽
漸迎客棹客徐進
寒著賓壺喜細添
農壤徧膏民鷹息
相君餘興付厭厭

離宛丘舟中作

予子歸櫓五兩斜
浮雲盡處是京華
不隨東魯人浮海
正似新豐犬識家
笏首新荷尋珥筆
腰間故印解垂綯
多年蹇足蹢躅甚
卻畏丹泥九城賒

將還都寄獻臣

茂陵移病在窮年尚省長安在日邊
生意不隨枯樹盡危心重伴死灰然
秋風壓苑檀欒近夕斗橫臺睥睨連
側注舊冠塵滿屋定須彈拂故人前

還都

一封東走罷州麾卻赴清班上赤墀
侍史香爐留直夜王孫春草見歸時
虛名所賴天藏拙晚歲無如病與衰
要在屬車何所用只堪盛酒比鴟夷

丞相龐公歸政就第數有新詩傳播都下偶成拙

句上紀盛德二首

方道逍遙一品身，盡收和氣付凝神。
小車殿裏拋丞相，南極星邊伴老人。
雙鶴對眠雲帳月，五芝催耨雨巖春。
支離舊客公知否，私計東山作近隣。

第門行馬護清埃，拂席時時宴具開。
安石風流今日是，平津賓客幾人來。
幄中謀熟君籌在，川上身閒汝檝回。
絕俗新章滿都紙，向時疏傳定無才。

寄獻南京致政杜相公

調元罷後久忘機三見東山拜詔時

公引年後凡三追執

言在典

謨經舜問規留廊廟許曹隨人間歲月尊黃髮方外謳
謠續紫芝舉酒祝公千萬壽逍遙長與赤松期

答安陸王工部早春郡園見寄次韻

五馬新回金絡頭方春稀訟釋南囚荆岑漢潁聯形勝
渚月臺風逸宴游自許良辰偏有感不知清唱遂無儔
比來酒所聞相憶對倚層城近此樓

送劉學士守衡陽兼還故里

名帖唐家十二時囊封自己阮咸麾三行牛酒過鄉墅
九向雲山駐使旗蘭露夕薰歡潔膳桂風秋遣怨叢枝
不應晚計還臺約紫掖深沈貯演辭

晚秋北園

寂寥臺榭使君家日涉中園到日斜林下歸心紛似葉
菊前衰鬢晚于花支離粟飽寧無愧漫漶書成未足誇
猶有一杯相伴在判從鷓鴣耗年華

過洛陽有作

鬱葱喜氣抱天迴飛柱門深拂曉開樹綠遠隨馳道出
塵清曾傍屬車來霧中溫洛浮仙牒雲表神崧薦壽杯
何日東都參第賦班生猶是令蘭臺

聞中山公泚上家園新成祕奉閣輒抒拙詩寄獻
為樂東平得再麾公兩鎮泚上別營層閣駐經闌溢囊祕簡

青皆汗署榜宸毫白正飛公常荆奏于上求飛白題榜俄蒙允賜樽喜客

來銜酒數盡疑仙去啟厨稀門前即枕春溪路幾曲歌
成使舫歸

移病還臺凡閱半歲乃愈始到家園視園夫治畦
植花因成自嘆二首

十年獨漉走天涯耗盡流光得鬢華猶喜此身隨社燕
擬將何面對林花牢憎續罷文誰讀塊壘澆平酒自賒
舊隱不須相掉磬

齊人謂相
許為掉磬

要須歸種邵平瓜

卧治無功賜告回轍叨鳴復上中臺

病中改
八座

壺公天壤

非真死

術士李士寧來謁于病曰公殆矣形神離矣不
可過春分予謂人生危厄不可常故作終制以

訓兒息明年至
期不死而愈

蒙叟軒裳是儻來經灌早蔬扶隴出失

刊園藥犯簷開此身疎拙真丘壑不是當年王佐才

送長兄遊隨陽

漢東煙樹露蟬嘶回首周南涕易危梁苑謾傳居右賦
扶風誰識最良眉仙巾雨墊愁懷路素壁塵凝憶問詩
他夜夢魂知不遠蘧蘧長繞越禽枝

假節

誤持軍印攝中牙朔雪添成兩鬢華大抵不侯寧戰罪
由來寡要是儒家山南近暖先迎日樹北緣寒晚作花

歲晏知非宦情薄
潁田歸興滿蒼霞

覽從兄咸劔池編

案咸字買之建安人其著述有劔池編詳見李觀集

競爽吾宗屬俊翹
凌雲辭氣剌飄飄
十年締思輕傖賦
一骨評風壓楚謠
縱玩書窗迷野馬
長吟秋社續寒蜩
夫君自有何郎恨
枉使東陽臂肉銷

少年

關外車徒籍籍歸
章街柳色綠如絲
薰衣別館香三日
卜夜重樓燭九枝
雪市雲迴翻祕曲
蘅皋波暖寄微辭

十年酒美俄星弁肯信尚書對有期

自詠

四十為郎信倦游虛名韁鎖太悠悠危心正似葵傾日
衰質先于柳望秋要路風塵疲驥足故潭煙雨廢槎頭
頽灘漸報耕疇熟終乞閒身守一丘

上却頻見歲華陰偃息由來本茂林醉若有鄉須裂地
吏如逢隱即投簪

予聞南方山水殊勝常有遊宦
之願以歲限未滿不敢陳請銜無

窶數知客冗病似支離亦挫針况自疏家兄弟約他年

獨斃故溪潯

伯氏元樂靜退嘗有詩
戒予云獨斃故溪潯

誤懷手版應弓招汨汨塵容葆鬢凋
潘拙本無鄉曲譽
嵇駕偏恃母兄驕
雨畦松葉晨羞薄
風竈茶煙午睡銷
縱到北山堪自笑
春蘿秋桂久寥寥

聞王侍郎請老

未老辭榮上所褒
官閒猶寄白雲曹
海邊人樂鷗先下
籠外天多鶴始高
此路逍遙真有趣
他年侍從信為勞
清商弟子歌聲妙
誰判揮金引凍醪

凍醪即詩所謂
春酒介眉壽者

步樂北園

倦持塵簿著綸巾
清眺城隅夏物新
幽鷺儀容高似客
晚鶯言語巧于人
兩邊斜照猶銜嶺
風後餘涼自舞頻
天借使君仁智地
此來山水更相親

將解職抒懷上郡守

空函檄草聚浮埃
日愧西園綴上才
著帽每容司馬進
脫巾多伴使君來
孤根易變江南橘
歸夢先隨隴首梅
惟有酬恩無限淚
異時應減別離杯

抒懷上南京常山公

緇帷悵別條經年榮路心危重惘然寧死道邊終自直
狂歌河上欲誰憐魂隨夜蝶星垂地信斷秋鱗水接天
早晚承明慶三入願持雲漢續遺篇

段釋之客都下作詩道其懷

密雪天街客履穿更將羈思敵彫年無人載酒誰同樂
有物燒愁便許然腦臆文章千牘上蕭條光景二毛邊
我能知子今何賴無用長于馬腹鞭

獻外臺王侍御

濫陪坐諾已三年始望霜威紺弩前舊業久辭南郡帳

深恩獨戴故人天頭款解散慚星弁

南史王儉
警名解散

腹飽侏

儒費月錢欲托牙琴想真賞流塵無奈晦么絃

送蔣御史漕江南

柱後峨冠久未還江南行府使旗鮮陳陳洪庾催輸粟
徃徃吳山即鑄錢眠月早霞千里國廢樓殘社六朝天
時清憲筆無彈劾供助騷人藻思妍

荷花

晚雨跳珠萬蓋勻紅房高下照池新採時雙艇須加獎
行罷微波不見塵解把清香貽密坐忍將芳意付蕭晨
如何老師殘風味三占秋英作主人

翰長再有北門之拜

病襖荷囊避禁闈彌年專氣養瓊枝仙都去後桃尋熟
溫室重來樹更滋宮月舊蟾涵靜滴武泥前劄燥殘芝
寶釘賜帶輝腰組尚苦春來幾眼移

景文集卷十三

欽定四庫全書

集部

景文集卷十四至

詳校官侍講臣王燕緒

檢討臣何思鈞覆勘

總校官候補中允臣王燕緒

校對官學錄臣謝登雋

謄錄監生臣汪國均

欽定四庫全書

景文集卷十四

宋 宋祁 撰

七言律詩

李處士

江天退卧久沈冥
秋入顛毛翠葆驚
原憲桑樞貧不病
子真嵒石老歸耕
樵風挂席晨昏至
屐齒登山上下平
邨稻已收霜橘熟
深心寧逐徹侯榮

學舍諸生罕至或累旬倚席不講愧而成詠

直舍沈沈掩迴廊

學官直舍列于兩廡

古壇槐柳對蒼涼一囊有

客愁饑死三尺無人問喙長
瞑據槁梧真用拙束歸高閣
分深藏日斜廣陌驅歸鞅更似
筇筇作漫郎

寄題相臺太尉韓公畫錦堂

瑞節前驅畫錦身堂成署榜示州民
遷鶯賀燕翩翻集大樹甘棠次第春
漳岸夕波通沼溜魏堂暇日弄梁塵
君看千古青編上得意如公有幾人

秋日射堂寓目呈應之

射圃雲棚枕庾園危亭虛白敞南軒
霜柯橘嫩金衣薄風沿荷傾鈿扇翻
謝枕吟魂迷帶草嵇襟真慮屬堂萱
岸巾晝日聊相對坐聽凝笳出繚垣

偶作寄李長學士

已是南宮素髮郎尚持衰味對風光
愛吟詎敢追梁甫倚醉時能問葛疆
才苦空疎殘史牒分從澄汰襍衣裳
江樓夜月清高地試問同君一據牀

送常州陳商學士

紅梨秋老石渠霜併欲蕭蕭伴祖觴
臺上襍綾收柘枕
水邊古獸得顰囊
浮雲竝益辭京輦
曉月將潮促使艎
緣飾有文成政速
剝儲靈氣茹芝房

寄會稽天休學士

鳬乙天遙水驛長
笠車貪貳會稽章
風從射的迎仙舸
水是山陰作禊堂
鈴閣宴盤留薤白
書林官筆燥雌黃
庾郎于此情非淺
應許諸人共據牀

寄弋陽王學士

新年給札漢家臺
愛伏枚臯受詔才
偃蹇不隨虞弁進
棲遲翻逐阮麾來
倡優技拙飛觴淺
寒具盤空秘畫開
早暮傳車趨一節
敝冠猶望振窮埃

喜得當塗葉學士手筆

隨岸秋風慘別祛
崢嶸歲晏得雙魚
定因南浦傳能賦
卻到西河問索居
夜月連江金液動
曉山圍國鈿螺疎
端倪欲報懷人恨
滴盡瑤蟾尚有餘

送越州陸學士

梅天霞破候旗乾，鄉樹依然越絕間。
挾策當年逢掖去，懷章此地繡衣還。
亭餘內史浮觴水，路入仙人取箭山。
牛酒盛夸先墅宴，不妨春詔得親班。

陝府祖擇之學士

白髮書林作丈人，陝郊迢遞駕朱輪。
謾誇燕許文章手，未得嚴徐侍從臣。
列岫倚牕吟謝曉，亂花窺酒宴堂春。
幾篇新詠留珉刻，首記鑾輿八月巡。

和待制龐學士寄獻宮師相公之作

溢榮清溜接家田
白首辭榮鉉席賢
直使斯人歌畫法
後容吾黨記歸年
五禽習戲探仙術
萬法觀空證佛緣
聞道巖谿春更好
許誰飛蓋奉周旋

河南希深學士

洛霧嵩雲滿眼春
仙郎清路擁雙輪
卻陪賓客趨東閣
已為陽秋得素臣
淵秘圖書探漢舊
地交風雨訪周人
歲時獻壽嚴君府
誰見家庭玉樹新

寄臨江知軍劉子先學士

丈惠祠前旌旆飛茫然南望涕橫衣勤勞塞外凋雙鬢

蕭散江頭把一麾都水酒樽花下倒

子先判都水監子為屬官屢醉花下

青塘釣艇月中歸

青塘子先所居子嘗詣之與子先及虞資道同泛小舟乘月方歸

薦

書繼上公憐舊何力酬恩與意違

子繼蒙先生薦論

送楊學士三首

并序

某聞望之補郡常雅意于本朝長孺為郎每注情于禁
闥皆欲恢明景化徵序懿綱宣碩惠于政經奉清光于

畫接前聞盡在茂躅可徵恭惟學士淑問熙朝英猷秀
世頒條列土重季布之股肱陪議外庭湊吾丘之智畧
果膺絲詔入覲紫宸蓋丕績以上聞表清衷之彌屬飭
東方之騎飛鞚載嚴趣舍人之裝輜軒既御而某夙叨
恩紀敢嘿頌聲才愧巴人莫預彌高之唱惠同嘉樹願
賡勿剪之謠謹齋沐成七言四韻送行詩三章繕寫捧
詣客次祇候陳獻理非逮意言且無文甫成悌悅之辭
少係中和之作

左幡彤赤抗前旌
捧詔西歸覲大庭
漢署餘香薰錦帳
唐家新政紀雲屏
迎秋畫隼開朱旆
別夜哀烏動列星
從此回翔宸渥厚
冠綏清曉俯階墀

青絲千騎漢臺郎
入奏星藩解郡章
荷橐再親文石陛
班春初捲赤帷裳
百壺帳飲杯醕醕
一劄泥封詔檢香
幾日西清勞侍從
鬱葱佳氣接明光

觚稜初日九天開
躡蹠桑郊五馬迴
羣王三山藏冊府
僵壺雙筆給中臺
編堂舊政盤留薤
畫省新辭砌有苔

闕里諸生彌屬望雪園他日待延枚

題景陵乾明院湖亭

東眺湖波十里平竹椽疏舍瞰澄瀛山花暗落談經地
水鳥時聞念佛聲薺樹繞天春色晚綵雲垂地夕涼生
後車官冷會過此祇得幽人笑縛纓

秋陰

擁棟溪雲暝夕霏蕭辰寥落意多違寒蟬自為齊王怨
歸燕長逢阿母飛杜若汀洲殘綠暗芙蓉池沼墜紅稀

流塵滿席賓綦絕誰問西河戰勝肥

和葉道卿連日陰曠坐曹無緒見寄

霧著青旗燕尾斜輕陰連日徧天涯上林已暖先催鴈
細柳猶疎不礙鷗積潤未妨鏗畫瑟薄寒仍欲走流霞
問君何事貪官事只倚雕章念歲華

賀中丞晏尚書春陰

輕寒剪剪著春旗樓外晨光已暗移小霧不還添柳弱
餘寒未去惱花遲么絃促柱愁成曲遠水迎船巧作漪

誰在河橋望歸客莫將雷響誤輕輜

題翠樾亭

茂樹交軒地不塵江光野氣望中新客來魚鳥皆知樂
夢罷池塘併得春烟竹有痕時拂戶風花無意自飄人
當年幕客今追恨不共山公岸醉巾

夢野亭在景陵集仙王君為郡日所創

州堞巔岼迴勢回一翬斜耑四軒開晴光獵草雄風度
晚氣浮江赤日來望極長天閒倚杵醉殘嚴角暝休梅

須知故楚多餘感剩費登高作賦才

送連氏昆仲還省侍

案宋史隱逸傳連庶字君錫舉進士第庠字元禮亦舉進

士在鄉里時宋如兄弟皆依之

醪醕君家伯仲賢相從費舍脩經年三卮酒薄難為聖
一腹書空但喜眠庾信刻筠懷舊塢隱侯題壁有新篇
糴甘調滑思歸養溢握咳蘭照露鮮

秋夕池上

楚江楓老樹無烟池上悲秋一惘然素蟬虧盈長伴月

戲魚南北各依蓮風驅野燐寒爭出露警臯禽怨不眠
伏檻臨流未成下紫荷聲外轉珠躔

屈原祠

楚江南望見脩門靈鼓聲沈蕙捲樽五日長蛟虛望祭
九關彫虎枉招魂蘭茗獵翠淒寒露楓葉搖丹嘯暝猿
賈誼揚生成感後沈沙投閣兩銜冤

州舉俊民以藝中第為詩馳賀

曾聯郡將署鄉書目見函關賣出符奏頌一揮雲落紙

賜袍三浴蕙飄爐高軒竝照連乾錦飲膳分頌蕘蒲厨
病幕日期迎畫繡塵容甘預弩前驅

澠池道中

月樞殘白伴征輪雪嶺蕭蕭久墊巾此去嶠函天設險
古來京洛地多塵翠含山氣猶疑夜紫動林梢已放春
自笑衰翁應分定寵光行役兩平均

屢乞近郡詔不許

避賢求假左朱輪衡石通章觸罷頻十駕似駕寧取道

五能如鼠不藏身
危心事國區區在
短領侵年種種新
君惠轉深無報日
長教猿鶴怨歸人

祇役鄰郡道中曉發

故園回眼隔雲羅
野馬征塵拂袂過
息影有時悲惡木
回車無暇避朝歌
風號萬響天衢籟
山矗千頭佛國螺
遊子行行歸計晚
庾心一寸奈愁何

將道洛先寄太師文相公

兩鬢蓬飛歲月侵
收還秘殿上恩深
烏毛落盡那勝彈

古善彈者毛
盡禽不死

桐尾燒焦敢望琴前日化工依大治

守蜀
改官

相府
啓擬今茲舊物特遺簪塵容喜接榮煌座未忍公然動

越吟

登樓望郡中美人物之盛

曉色青烟萬瓦間飛譙極望盡通閨輪音開過叢臺市
歲計多于畏壘山獵路向寒鷹眼疾戍亭無事犬聲閒
邑民訟息風謠樂坐飲雙雞止厚顏

送史溫虞部佐郡四明

外署清郎出佐州嘲辭不畏上山頭天中倦目迷雲闕
江上歸帆避石郵佳設有隨賓早晏還書寧畏渚沈浮
畊田越鑄農知勸時伴春旗暗綠疇

有詔解郡作

二年憔悴擁州旂尺詔初容覲帝暉何幸復燃灰不死
未應為失馬重歸蛟螭對舞瞻層閣翁仲雙扶識故扉
病骨多憂鰲黑甚豫慙臺史與薰衣

塵晦荷囊裂舊縫驚聞臺召計忽忽忽從楚水楓林下

還入甘泉豹尾中卽日遂收西望涕方春便趁北歸鴻
休誇四入高涼地已是人間素領翁

送太常邊博士守永嘉郡

稷野英僚抱薊新東甌假守左朱輪吳刀列衛州儀盛
越鑄催耕海葑春萍渚日華搖使旆蜃天樓影暗潮津
射堂西出賓簪樂飛盡歌梁幾夕塵

送薛學士伯垂同理嘉興郡兼簡太守集仙柳著
作

廣內多年鐵槌摧監州新命詔函開河東世擅鵷鵠譽
江左人瞻竹箭才卽席離弦淒鵲韻幾程殘魄晦珠胎
興禾善俗蓬仙友剩舞吳歆恥宴壘

謝都官監建安郡

卽署新疇出宰功海閩關夾使旌雄晨塗倦伏雙毫奏
暮席貪隨五兩風芳薜摘山唐貢遠薨魚升豆漢祠豐

漢以乾魚
祀武夷君

賭囊貴胄膏腴盛麗唱行聞溢褚中

江漬池亭

一翬掀翅壓溪隅吏事初閒此晏居
斷岸有時通畧約輕風盡日戰耕
欄雲鴻送目揮絃後客板看山拄
頰餘菱碧蒲青來更數江人多識
使君旗

古意

博妖齊詐取侯封褒貶都歸竹帛
中三虎有無空逞辨一狐埋伏妄貪
功輪囷自許先枯木首鼠何曾忌禿
翁堪笑雲羅彌蕪澤不知天外有冥
鴻

寒食野外書所見

一雨初回逗晚涼
近郊連帶儼相望
乞漿易醉墻間客
就養初閒竈下郎
暖吹未休緣迴野
低烟不散為垂楊
家家鐘鼓爭行樂
肯信龍蛇是怨章

將到都先獻樞密太尉相公

再試州旌驗不才
卻將憔悴到中臺
相車問罷同牛喘
大厦成時與燕來

守壽春日方
聞爰立之拜

今日謀猷須丙魏
他年

賓客但鄒枚
西園聞道餘春在
尚及花前澹澹盃

送太尉相公赴鎮安軍二首

連章得請避洪鈞赭案除書天下聞久冠鵷鷺為上宰

別驅貔虎作中軍單車歎曲懷遼帳

前年遣使契丹復修盟好

一燧

平安出隴雲

今年夏人盜首歸罪

今日朝紳回首看始知知退是

元勳

碧波三宿暫沿洄豹尾雙驅大旆開堂上謨成蕭宰去
人間事少赤松來巖霖舊潤為軒雨醴麴餘甘作晏醅
下客無緣陪後乘只應前席次鄒枚

答麗丞相

安車就第上優賢不使當關損晏眠
勲重舊更三府地體強初過六身年
游籃淨貯茶經具醉幕閒垂酒頌天
獨念相如久稱疾時時令預雪臺篇

宮保龐丞相以詩見寄次韻和答

本乏微功輔斗樞避賢仍忝領州旗
病依一室由旬坐丈殊閒疾于維摩
設師子坐高八萬四千由旬以待
諸菩薩室中殊不逼隘

老愧專城四十

居憩石雨苔同髮短嘯軒霜竹伴心
虛掛冠尚有三年調高躅空瞻廣武廬

送張司勳福建轉運使

晚花吹酒送行人，迢遞風烟上七閩。
江海身孤雖戀闕，豺狼路靜不埋輪。
陽林擷露茶腴早，側樹烘霞荔子新。
毛竹乾魚仙祠古，請君尋徧武夷春。

送友人赴舉

玉樹扶疎入紫烟，鳴騶偕計望甘泉。
十行深詔言成綽，三道摘華藻掞天。
澤國東風占鵲喜，杏園初日待鶯遷。
自嗟擁鼻沈冥極，生看青雲著祖鞭。

送令狐秀才赴舉

薦衡上表獨垂覬密雪梁園逼賦期秦市千金懷拱璧
舜韶九奏待長離劉楨病久曾淹卧宋玉才多故刺悲
幾日繡衣榮白晝郡章驚絃駟車馳

孫景隨侍赴舉

蠟鳳當筵占美名文齋大被集時英人同潁水將車樂
賦待尚書給筆成鄉酒出郊浮螳臍故林馳霧暝猿驚
省知唱第聚雲幄歸夢因君到斗城

黃注昆仲赴舉

君家日下有高名
驥子雙馳嗣世靈
滄海賦毫多灑白
南山書簡偏蒸青
縣歌酒醕催鳴鹿
學舍練寒散亂螢
崑玉林枝期帝問
差肩唱第遍堯裳

送朱進士赴舉

漢家廉詔舉翹英
銀紵觀賓望斗城
北地高門傳玉節
先太傳
累持節
西京舊學祕金籙
郵亭續食星
輶急嶺路馳烟
月欲驚幾日東歸
榮畫錦度關遙
識棄繻生

答轉運王工部謝公醪

老依渦曲作藩侯
月例黃堂給宴醅
敢把百壺夸顯父
且將三品敵荊州
味新聊稱長螯蟹
酌淺尤宜小樣甌
珍重故人貽麗句
縱傾家釀若為酬

提刑張都官回文詩

歡餘惜對清談劇
遠路行嗟又愴違
寒螳酒空催客別
曉鷺歌罷怨人歸
乾風擺柳衰條短
驟靄迷鴻側陣微
殘歲念君同恨恨
麗章貽我慰依依

祇答延州安撫吳宣徽

共看仙山玉樹秋

慶歷癸未歲予與公同在翰林

從簪朝笏記同游調

元遂慶登三府

公即編歷樞台

抱袞惟堪讀九丘

予避清要侍讀迄今十二

年重印垂腰榮擁節

奉公

征鞍摩體忝為州

自謂如何卻紙

投殘筆敢與陽春接唱酬

李秘校省覲畢卻赴棗氏

謝過香囊奕思餘短亭瞰景駕驪駒客盤飲嗜豐千蹠
仙舄歸飛伴兩鳬官柳搖搖縈早絮縣花的的照晴跼

東陽玉骨春偏瘦，省對霞朝憶上都。

陳濟赴舉兼省覲

相從同是日邊人，兩見江南碧草生。
馮鉞車魚初倦客，

梁山風雨苦思親。虹橋刻柱前盟苦，獸錦裁囊麗曲新。

袍雪紛紛君莫顧，漢皇終自識平津。

予與君孤立諸儒之間，道之行否惟

天所相

同年梅鼎臣赴鳳翔幕兼省覲

時召家學士鎮分陝

酪和盤櫻蕞宴空，鳳岐新辟逐旌弓。
坐陪府幄談成藪，

趨問家庭史有公春葦促浮萍葉紫夜章催刻密枝紅
青袍玉骨英游盛上路爭看側帽風

梁子林宰葉州鄭縣

歲滿林光會計期天綰還賞動慈帷貪榮壽母咳蘭養
不過忠臣坂道危

君還而使職僚三銓擬官蜀道君
願還賞乞試銜宰已侍親于近郡雲

表晨見翻舄影齋中夜鶴應琴絲未妨休沐邀清賞市
霧峯蓮共蔽虧

北樓

危樓孤堞共巖岼，怒激疏風結暝寒。
校尉登臨非廣武，王孫回望即長安。
來薶蔽隴蹊牛下，密網橫山獵騎攢。
梁霰楚氛催歲晏，有人惆悵悔憑欄。

轉運李宥學士

棧外秋高薺樹繁，一星飛影伴輜軒。
屬城導騎賓歌密，近野迎漿蜀老喧。
濯錦萬梭催貢篋，熬鹽千井算牢盆。
行臺自昔書林寵，不為傷離更黯魂。

送江西轉運李定度支

江西使節擁朱輪正用中臺鶴髮人漕米爭銜千鵠舶
即山催鑄萬蚨緡宴齊螺岫披雲出醉館星苞照露勻
雙筆詎能藏藻思落霞孤鶩向蕭辰

送王太尉被召歸覲

漢廷擇日築韓壇綠詔連催覲帝關十乘元戎方叔貴
九天鳴鼓亞夫還袍薰瑞氣蔥蔥外仗入清塵九九間
好為君王言啟事早將功業勒燕山

景文集卷十四